

盤

山

志



卷之一

盤山志卷之一

圖上險臺

盤山總圖

行宮全圖

御定內八景

靜寄山莊

太古雲嵐

層巘飛翠

清虛玉宇

盤山志

卷之一

鏡圓常照

衆音松吹

四面芙蓉

貞觀遺踪

御定外八景

天成寺

萬松寺圖

舞劍臺

盤山盤谷寺



雲罩寺

紫蓋峰

千相寺

浮石舫

盤山志

卷之一

二

千林寺

紫蓋峰

雲罩寺

雲罩寺

盤山志卷之一

圖考

周官職方氏大司徒掌土訓之地圖天下險要阨塞具焉後世工畫者逞逞模寫山水及宮宇之制非僅備觀覽而已將以辨脈絡正方位也盤山舊有圖舉大勢於尺幅簡率已甚今茲繪事有總有分以

行宮為標準而內外諸景暨峰巘寺觀之著名者以次布列復為說以考證之清華水木造物闕此奧

盤山志

卷之一

區蒸蔚雲霞

盛世彰其嘉應諸臣幸際承平共肆蒐討拜手登諸秘府於前代所傳圖籍稍足增益其未備矣

盤山全圖



盤山全圖

其巔各稱其目

易曰艮為山又曰艮東北之卦也故崑崙墟之脈
北出而極於東蜿蜒旁薄萬有餘里迺蘊靈鍾秀
於長白諸山為盤山主曰翻於對今俱多於
國家肇基王迹之地其在河湟以內者自岍岐至於
太行如脊隆起而放乎遼海翻幽草翻其巔泉

神京億萬年之屏衛於是乎在盤山固發脈於太行
而畿左之名勝也古名四正山或曰徐無山高二
千餘仞周百餘里遙望之渾然如一峰壁立薊門

盤山志

卷之一

三

蒼翠插漢而雄厚博大首尾結蟠陟其絕頂長城
若環堵然北紀諸山繚亘天際咸瞭然指掌中
有三盤五峰諸勝如蛇縈如蠶攢如層華吐萼恠
石林立不可名狀古松迸其罅幽草繚其趾泉淙
淙穿竇出循谿歷澗注為潭潄為池窅然深曲迥
出塵界昔為田盤先生田疇所棲隱今則多演佛
說之廬晨鐘夕梵遍滿丹崖翠岫間游者延緣石
磴上下蒙叢轉入轉深不辨所出其能窮極險峻
繞其腹而躋其巔者鮮焉粵自

金根屢賁靈境日開

特發內帑營建別館山水得位置之宜土木無雕飾之費

天章炳煥雲物為之改觀諸景之天成地設若見若隱於向時者今皆收諸几席之下毫素之間矣考自昔圖經自五嶽十二鎮之外苟非耳目所及雖有神異聳拔可與嶽鎮競秀者止存髣髴莫悉形容况茲山之幽靚深藏最為後出哉茲標舉大凡為總圖高列雲峰秀分泉壑陰陽向背盤旋曲折之

盤山志

卷之一

四

體勢略如聚米畫沙不特以備選勝者之披覽亦以見茲山之獻竒呈秀於太平有道之世而與宇內諸名山相照耀者其靈氣足以興雲雨其形勝足以資拱護云爾

全明真寶靈臺日開

行宮全圖



佛會前院

佛雲亭

土森

崇華

空閣

福殿

藏書

寶林齋

南宮

小苑

柏香齋

行石齋

洗丹

風雲古大

山門

莊山齋

行宮全圖

盤山之有

行宮經始於乾隆九年先是臣工上言薊之盤山為

鑾輿由山海

陵寢之道

聖祖仁皇帝四次臨幸

睿藻留題樹石蔚然增秀比來山農野叟莫不額手傾心

就瞻

雲日宜創築

盤山志

卷之一

六

殿宇以為歲時駐蹕之所

皇上俞其請飭將作庀材鳩工告成不日地居山之午

方前岡如屏後嶂如扆自玉石庄迤邐東達於縹

垣之南偏垣壘以文石周遭十餘里隨山徑高下

為紆直澗泉數道流垣內雪濤濺躍自高處奔注

山下設插以時啟閉林開麓斷地勢高敞宏闊直

廬環翼中崇閣飛甍正位而向明則

行宮在焉歷門數重循磴上盤旋往復以抵山之深

處碧瓦鱗鱗然與懸崖削壁相間

御題八景洵足舉其勝概矣茲山峰巒之截嶭澗壑之
清幽林木之蒼鬱秀出止戒而勝蹟遺踪往往在
煙雲變滅中數千百年來祇以供遺世之士與夫
衲子道流之間居而靜觀固疑乾坤靈淑所融結
發之不盡鬱積而有所待也自

帝居特起燦日月而輔風雲望茲山者幾如三島閭苑
可望而不可即而

宸游所屆松雲棟牖間自足陶冶元化杼寫太和彼甘
泉之賦九成之頌徒侈一時之盛事者烏知林聲

盤山志

卷之一

七

山色可以作笙簧錦繡觀而仁知之樂又有會心
不遠者耶

不盡鬱積而有所待也自

帝居特起燦日月而輔風雲望茲山者幾如三島閭苑

宸游所屆松雲棟牖間自足陶冶元化杼寫太和彼甘

静寄山莊



靜寄山莊

行宮以靜寄山莊名崇儉德也

皇祖時築山莊於熱河以避暑不雕不繪得天然之勝今
茲縱廣不及其半而朴略如之於山前平敞處建
殿庭為班朝聽政之位

御題曰知仁樂處其東喬林交蔭希見曦景有齋曰松
和溪 灑寒翠羣臣燕見處也又東為鏡瀾亭臨大澗澗
壘入 中水石盪激常作殷雷聲虹梁跨其上踰橋東北
折舉步漸高登山之路於此始焉山以靜為體人

盤山志

卷之一

九

心亦以靜為體

聖人首出庶物主靜立極

時巡餘暇寄意林泉猶兢兢以此自持此中境界宏深
足令大地河山都歸涵照不獨山間雲物依然具
太古氣象已也

時和築山莊於熱河以避暑不雕不繪得天然之勝今
茲縱廣不及其半而朴略如之於山前平敞處建
殿庭為班朝聽政之位

靜寄山莊

太古雲嵐



太古雲嵐

觸石膚寸之雲杳靄極於霄際瞬息之聚散昕夕之吐納四時之氣象自鴻濛以迄今茲變幻靡盡而處乎靜以觀至變而有不變者存焉山椒拾級而上地曠而見遠為穹宇複閣

御題曰太古雲嵐

幾暇澄觀若琉璃巨海光照一切矣西有軒曰引勝齋曰暢遠樓曰接要樓後又有軒曰韻松迴廊四周檐牙相接皆

盤山志

卷之一

十一

宸遊常御處也其東結構宏敞曰壽萱堂為奉

聖母臨幸憇息之所晨昏問視跬步可達啟牖而佳氣入

捲幄而暖翠浮

宮庭樂事悉見歌咏當有五色雲光遍滿擁護與茲山並壽億萬禩矣

層巖飛翠



層巘飛翠

盤之為山外歛而中舒巒重嶂複步步入勝讀昔人諸游記大都以奉使乘傳延緣濃翠間未移寸晷輒驅馬去之所得不過十一二洵乎乾坤靈窟不欲作人間耳目近玩矣

文囿初闢於山之額䟽別得異境焉營殿宇亭榭以時游觀諸巘岫之層疊而上際青冥者如雲之垂如濤之湧如騏驎之馳驟而勒其首離離蔚蔚窮妍極態而丹葩碧蕤復蒙冪於嵐光煙靄中以佐

盤山志


卷之一

十三

其幽致

御題其所曰層巘飛翠而無窮景色於是包舉焉中有澹懷堂堂之西有樓曰擷翠閣曰雲起皆高竇可臨眺繞荔垣之後石徑相接綠縹亭石林精舍各因境得名蘊竒延秀固清都之曲室也

清虛玉宇



清虛玉宇

天為積氣地之上皆天也况山之峻極拔塵土而
逼穹霄昔人所云呼吸可通帝座者不其然歟
行宮東少北為清虛玉宇有門有廡正中構傑閣體
勢正圓以示崇效之義道家之言天語涉元妙而
天帝之號著於禮經儒者類能詳究之其理自非
妄託惟茲凌虛縹緲之境日月朗照萬象在下佳
氣氤氳出納於珠網綺䟽間常有羣真環衛絳節
來朝中天積翠之賦固不足方茲宏麗矣

盤山志


卷之一

十五

十五

清虛玉宇

鏡圓常照



鏡圓常照

盤山昔多隱淪自唐以後遂為大德道場智燈法
鼓流傳日盛巘凹澗側皆建寶坊

皇上性體圓覺貫徹人天謂釋氏之教可以振拔羣迷
利濟衆生與治道有所佑助爰於

山莊之西得概軒之前整飾梵宇門榜曰笠招提殿
額曰鏡圓常照以奉覺皇非區區福田利益所可
同日語也夫昔之讚般若者以雲霞為供養以巘
石為徒侶以水月天雲為法相則此晨鐘夕咽直

盤山志

卷之一

十七

可作祇園鷲嶺觀矣心鏡交光悉知悉見游於方
之內者烏足語此中境地也耶

衆音松吹



衆音松吹

盤泉之水演迤而下趨其南為小石城婉孌草堂
適介其間堂之東亭宇翼然實先堂而築以當諸
景之會曰衆音松吹蓋石無聲也泉觸之而聲怒
則雷霆砰擊震動山谷及其匯為平池瀦為曲渚
泠泠然如八音之繁會而松之禁生於巖巔澗底
者風過之輒作幽韻與清流相和答昔人所稱盤
山三勝於此可盡得之

宸遊怡暢屢見吟咏正如羈善長所謂竹柏之懷與神

盤山志

卷之一

十九

心妙遠仁智之性共山水效深也與此景相毗連
者曰翠市亭曰清嘯亭曰松湍流韻皆在喬林深
蔭中別具幽靚之致

四 芙蓉面



四面芙蓉

山之幽絕處一澗一石皆足濯盥坐卧流連永日
要其體勢方正脈絡迴環諸巨峰自中央而達四
維與清涼五臺爭雄長其間岡巒起伏蒼翠相屬
升高望之無不奮迅騰湧而出靡所隱蔽此四面
芙蓉之所以名亭也亭與霞標亭相望崇敞洞達
當林霏乍開景物澄霽羣峰如華萼之敷光景溢
目應接不暇

天藻丕宣能令山開生面初日芙蓉之喻固未足以盡

盤山志

卷之一

二十一

其妙已

四面芙蓉

貞觀遺踪




貞觀遺踪

有石在南澗濱色潤而質瑩縱可五六尋衡倍之
實一石以凹凸分為三於平坦處結亭蔭喬木而
倚巨巘境最幽寂相傳唐文皇東征瞭甲於此
御題曰貞觀遺踪千載上雄心遠略此石所以志也石
迤下欲盡處橫亘若檻然萬壑奔赴之水至檻內
勢益怒則踊躍砰擊而出跳珠噴玉下注深潭
宸遊作記比之寒山千尺雪遂以為名

天翰並摹刻崖壁築宇於泉上相面勢為高下雲霧
盤山志
卷之一
察宛轉相屬水聲潺潺與虛濤清籟旦夕入聽山
中泉石相遭之勝莫與此絮矣

天成寺



天成寺

盤山諸寺大半以險得幽游者必披榛莽或岷懸
壑絕縋而可至其路稍坦而境絕勝者為天成寺
沿歷坡間行者忘疲峰轉境拓飛甍出於樹杪為
寺門之樓顏曰江山一覽可登眺凡巘岫之羅列
林麓之暎帶於山之陽者纖悉靡不呈露內為佛
殿金碧煥耀背負翠屏旁臨澗泉步步引人入勝
矣

輦路由蓮花池而上可三里許每駐

盤山志

卷之一

二十五

蹕茲山率先至寺故

御製詩篇視他刹尤富焉

萬松寺



萬松寺

盈山皆松也松之性得土而悅得石而竒土石相錯則蒼茂夭矯蕙檀其美矧泉流之激蕩煙雲之繚繞歲月滋久靈氣盤鬱其體幹又非擾龍偃盖諸名狀所能盡耶寺在舞劍臺之東本名衛公菴後拓而新之

聖祖屢幸

賜顏萬松蓋紀其實且以標一山之勝也石甃數成崇欄

四注宏麗中饒清幽之觀循磴入寺寒翠侵衣筍


盤山志

卷之一

二十七

籟交作恍置身清涼佛境泰山之所植天都之所長又不可同年語矣

舞劍臺



舞劍臺

盤山五峰昔稱五臺其西臺即唐李靖舞劍處也
衛公以雄才偉略佐唐家有天下嘗登此臺臺高
平無所蔽天風吹衣白日朗照塞垣遼海之形勝
歷歷在指掌間宜當時擊劍長歌慨當以慷盡露
英雄本色千百年後石色泉聲凜然作風雲氣
翠華莅止披圖道古想見頗牧之為人斯亦異代之
知遇也

盤谷寺



盤谷寺

以盤名山而谷居盤之中尤稱幽阻蓋昔隱士之所棲止也人往而路第

國朝僧始闢地以建寺

聖祖錫額曰盤谷以復舊稱寺從石門入蹊徑縈繞花木踈扶諸泉漉漉俱流入青溝溝之側有巖有坳有阪而阪尤勝植杏萬樹春花齊發望之若紅雪寺中有堂有軒與磴道為高下

天六龍乘令來游來觀向之松崖薜壁俱煥

盤山志

卷之一

三十一

天章懷高隱之清風撫遺踪於耕釣恍若其人在焉呼之欲出矣

盤谷寺

雲罩寺



雲罩寺

游田盤而不至舍利塔不足以盡山之勝捨峙挂
月峰路由雲罩殿左磴緣壁如棧老松出嵌巖其
竒者迺如青鸞之舒翼登其巔俯視四極蒼然一
色山川雜陳細瑣莫辨世外巨觀也寺中景物幽
靚魚板清肅古德之所過化高僧於焉習靜時有
雲氣生檐宇間遙望之若萬疊波濤滾滾無際雖
岱之雲臺黃之雲海無以踰此况數十年來

翠輦時臨

盤山志


卷之一

三十三

天章疊賁更足令山色嵐光益增氣象耶寺後有峰曰
自来與挂月接舊有無梁殿址其所見與挂月盖
相類云

雲罩寺

紫蓋峯



紫蓋峰

名勝志稱盤山之奇特首標紫蓋蓋薊門諸山以
雄厚勝而不足於秀澤茲山獨立一格外若韜晦
入其中䟽峰列岬繞翠縈青如茵茵之敷榮而紫
蓋為之苞也圓峭轟峙旁無附麗不必與諸峰爭
奇競巧而體勢尊嚴儼然華蓋之中天諸峰帖帖
若衛若朝矣居人又稱為中臺且云為盤諸利龍
脈所發信然

千相寺



千相寺

華首觀化應真著蹟是處有之而此寺獨以千相
名者相傳有尊者於巘下澄泉見千僧洗鉢因構
精舍旋刻崖石具儀相略如所見之數事雖涉幻
異而奔走瞻仰者遍十方界恍若伽那石窟中留
影光亮矣寺去巘可三里許緣嶽崎而上長松夾
道作虬龍形殿宇整潔明僧慙山曾遇隱士於寺
後之石室今稱契真洞旁近巘岫俱嵌空窈窕固
皆當時晨夕經行地耶搖動石亦竒然他處間有

盤山志

卷之一

三十七

之以為敬信所致則類假託矣

千相寺

浮石舫



浮石舫

圖經稱四正山盖言山形廻合如城郭也其中奇
 峰恠石如刻如塑或以形體或以禽獸或以卉木
 或以器物屋宇随象立名不勝圖繪矣浮石舫在
 上甘澗東北峰頂石勢如萬斛巨艦雲氣晨夕出
 山腹浮浮欲動有乘風駕濤之勢意有太古神人
 凌灑氣游太空而來集於此乎靈幻成象造物何
 心世之庸夫俗子輒相與傳會假仙靈姓氏以迷
 惑視聽者所在多有茲地以稍僻故不受矯誣夫
 亦山靈之厚幸歟

盤山志

卷之一

三十九

山即...
 上甘澗...
 是以...
 圖經...
 亦山...

